

晉記卷六十二

十六國錄

蕭山郭 倫撰

前涼

張軌 張寔 張茂 張駿 張重華

張曜靈 張祚 張元靚 張天錫

張軌字士彥。安定烏氏人。漢常山王耳十七世孫也。家世孝廉。祖烈。魏外黃令。父溫。太官令。軌少好學。與同郡皇甫謐友善。隱於宜陽女几山。泰始初。受叔父錫官五品。除太子舍人。累遷征西軍司。永寧中。天下多難。軌陰圖據河西。筮之。遇泰之觀。乃投策而喜曰。

此霸者之兆也。於是求爲涼州。拜護羌校尉。涼州刺史。時鮮卑反叛。寇盜縱橫。軌擊之。斬首萬餘級。威行河西。以宋配。陰充。汜瑗。陰澹。爲股肱。謀主。立學校。置崇文祭酒。春秋行鄉射之禮。祕書監繆世徵。少府摯虞。夜觀星象。曰。天下方亂。避難之所。惟涼州耳。張士彥。始其人乎。顓頊犯闕。軌遣兵三千東赴京師。初漢末金城人陽成遠。殺太守以叛。郡人馮忠。趙戶號哭。嘔血而死。張掖人吳詠。爲護羌校尉馬賢所辟。後爲太尉龐參掾。參賢相誣。罪應死。皆以詠爲証。詠念理無兩直。自刎而死。參賢聞之。愧而相釋。軌求祭其墓。

旌其子孫。永興中，鮮卑若羅拔能爲寇，使宋配擊斬拔能，俘數萬口，威名益振。惠帝使使加軌安西將軍，封安樂鄉侯，邑千戶，遂大城姑臧。其城本匈奴所築也，南北七里，東西三里，因地有龍形，名之曰卧龍城。永嘉初，東羌校尉韓稚殺秦州刺史張輔，軌使中督護氾瑗率衆二萬伐稚。先遣稚書曰：「今王綱紛撓，牧守宜戮力勤王，而卿乃稱兵內侮。吾董任一方，義在伐叛。然伐木之感，心豈可言。卿若單馬軍門，當與卿共平世難耳。」稚得書，投軌，使使於南陽王模。模遺軌帝所賜劍，曰：「隴西征伐，相委如此劍矣。」王彌寇洛陽。

晉書 卷之二十八
軌遣北宮純、張纂、馬魴、陰濬等率州兵擊之。又敗劉聰於河東。京師歌之曰：涼州大馬橫行天下，涼州鴟苕寇賊消。鴟苕翩翩怖殺人，詔進封西平郡公不受。當是時，天下旣亂，所在使命不至，軌獨遣使貢獻歲時，弗替。後患風口，不能言。使子茂攝州事，軌別駕麴晃遣使告南陽王模，稱軌廢疾，請以秦州刺史賈龕代軌。龕將受之，其兄不可，曰：張涼州一時名士，威著西土，汝何德以代之邪？晉昌張越，涼州大族也，讖言張氏霸涼，自以爲應之。以隴西內史託疾歸河西。陰圖代軌，使其兄酒泉太守鎮及西平太守曹祛上疏。

更請刺史移檄廢軌。以軍司杜耽攝州事。使耽表越
爲刺史。治中陰澹馳長安。割耳盤爲軌。訴枉。長史王
融參軍孟暢踰折鎮。檄勒兵戒嚴。而武威太守張璠
亦遣子坦馳詣京師。上表畱軌。會軌子寔自洛陽歸。
以爲中督護。率兵擊鎮。復使鎮甥太府主簿令狐亞
勸鎮降。鎮乃委罪功曹魯連。斬之。流涕歸寔。張坦至
京師。帝優詔勞軌。命誅曹祛。軌大悅。赦州內殊死
已下。命寔率尹員、宋配以步騎三萬討祛。別遣從事
田迥、王豐率騎八百。自姑臧西南出石驢。據長寧。祛
使麴晃拒戰於黃阪。寔詭道出浩亶。戰於破羌。斬祛。

及牙門田囂。軌使治中張闓送義兵五千及郡國秀孝貢計器甲方物歸於京師。令有司推詳立州以來有清貞嘉遜碩學著述殉義忠諫與權智雄勇爲時除難。又諂佞誤主者具狀以聞。州中父老莫不相慶。光祿傅祗太常摯虞遺軌書告京師饑匱。軌卽遣參軍杜勳獻馬五百匹。氈布三萬匹。使使進軌鎮西將軍都督隴右諸軍。封霸城侯。開府辟召儀同三司策未至而王彌逼洛陽。使將軍張斐北宮純郭敷等率精騎五千入衛。旣而京師陷。斐等皆沒。中州避難來者日月相繼。分置武興晉興二郡以居之。聞秦王入

關乃馳檄關中以兵七萬期仲秋會於臨晉秦王爲
皇太子遣使拜軌驃騎大將軍秦州刺史裴苞東羌
校尉貫與據險斷使而西平王叔與曹祛餘黨麴儒
等劫前福祿令麴恪爲主執太守趙彝東應裴苞使
寔擊之斬儒等左督護陰預與苞戰陝西大敗之苞
奔桑凶塢愍帝卽位進司空涼州自泰始中荒廢人
不用錢裂布匹爲段數縑布旣惡雖市易而不任衣
用軌知其弊立制準布用錢錢遂大行人賴其利劉
曜寇北地使參軍麴陶領三千人衛長安帝遣大鴻
臚辛攀拜軌侍中太尉涼州牧西平公固辭軌在州

晉書 卷之二十八
十三年寢疾遺令曰吾無德於人今疾病彌留殆將
命也文武將佐咸當宏盡忠規務安百姓上思報國
下以寧家素棺薄葬無藏金玉善相安遜以奉朝命
表立子寔爲世子卒年六十諡曰武公

寔字安遜初以秀才爲郎中永嘉初請從父於涼州
改授議郎以討曹祛封建武亭侯尋進福祿縣侯建
興中除西中郎將領護羌校尉軌卒州人立寔愍帝
下策書曰維乃父武公著勳西夏頃胡寇狡猾侵逼
近甸義兵銳卒萬里相尋方貢遠珍府無虛歲方委
專征蕩清九域昊天不弔凋余藩后朕用悼厥心維

爾儁劭英毅。宜世表西海。今授持節都督涼州諸軍
事。西中郎將涼州刺史。護羌校尉。西平公。往欽哉。其
闡宏先緒。俾屏王室。蘭池長趙奭。上軍士張冰得璽。
文曰。皇帝璽。羣僚畢賀。寔曰。孤常忿袁本初擬肘。此
非人臣所宜畱也。因獻於京師。下令國中曰。忝紹前
蹤。庶幾刑政不爲百姓之患。而比年饑旱。殆由庶事
有缺。竊慕箴誦之言。以補不逮。自今有面刺孤罪者。
酬以束帛。翰墨陳孤過者。答以筐篚。謗言於市者。報
以羊米。賊曹佐隗瑾曰。聖王將舉大事。必崇三訊之
法。故疑丞輔弼。所以補闕而拾遺也。今事無巨細。悉

由獨斷。謬闕則下無分謗。宜偃塞聰明。與衆共之。不然。羣僚將畏威而面從。若惡專歸於上。雖賞以千金。亦終無言也。寔善之。賜帛四十匹。遣督護王該送諸郡貢計及名馬。方珍於長安。劉曜入寇。愍帝將出降。夜見公卿。密使黃門郎史淑。侍御史王冲。齎詔授寔。大都督涼州牧。侍中司空。承制行事。寔以天子蒙塵。不拜。寔叔父西海太守張肅。聞京師危逼。年七十矣。請爲先鋒擊曜。寔以年老弗許。旣聞京師陷。悲憤而卒。寔大臨三日。遣太府司馬韓璞。滅寇將軍田齊。撫戎將軍張閬。督護陰預。步騎一萬。東赴國難。璞次南。

安而諸羌斷軍路。相持百餘日。糧竭矢盡。璞殺駕牛。饗軍。泣謂衆曰。汝曹念父母乎。曰。念。妻子乎。曰。念。欲生還乎。曰。欲。從我令乎。曰。諾。乃鼓譟進戰。會張闓率金城軍繼至。夾擊大敗之。斬級數千。時焦崧陳安寇隴右。東與劉曜相持。雍秦之人死者十八九。而涼州獨全。初永嘉中。長安謠曰。秦川中。血沒腕。惟有涼州倚柱觀。言其晏安而無事也。陳安叛。保逼上邽。南陽王遣使告急。使金城太守竇濤率步騎二萬赴之。軍次新陽。而愍帝崩。問至。素服舉哀。保聞愍帝崩。自稱晉王。建元。署置百官。遣使拜寔征西大將軍。都尉。

張詵曰。南陽王忘國恥而妄自尊大。非濟時救難者也。晉王明德昵藩先帝。憑屬天眷。有晉肇基江表。宜勸卽尊號。以杜覬覦。寔乃馳檄天下。推崇晉王爲天子。遣牙門蔡忠奉表江南。是歲元帝卽位於建鄴。改元太興。寔所稱建興六年也。陳安之去保也。氏羌應之。保窘遷祁山。未幾又爲劉曜所逼。遷於桑城。將謀奔寔。寔使將陰監逆。保聲言翼衛。實禦之也。保薨。衆潰。奔涼州者萬餘人。寔自恃險遠。頗驕。時民謠曰。蛇利砲。蛇利砲。公頭墜地而不覺。京兆人劉宏客居天梯第五山。以左道惑衆。寔左右皆事之。帳下閭沙崔氏

春秋作涉

牙門趙仰

崔氏春秋作叩

宏鄉人也。宏謂之曰：天與我

神璽。應王涼州沙仰信之。陰與寔左右謀殺寔而奉宏。寔弟茂知之。密使牙門史初殺宏。沙仰不知也。以其夜弑寔。寔在位六年。是爲元公。子駿幼。弟茂攝事。茂字成遜。初爲秦州刺史。太興三年。寔被弑。州人推茂爲大都督。太尉涼州牧。茂以未奉朝命。但稱使持節。平西將軍涼州牧。以兄子駿爲撫軍將軍。武威太守。西平公。誅閭沙及黨與數百人。赦其境內。築靈鈞臺。周輪八十餘堵。基高九仞。武陵人嚴曾夜叩門呼曰：武公遣我來。曰：何故勞百姓而築臺乎？姑臧令辛

嚴以曾妖妄請殺之。茂曰：吾實勞民，曾稱先君之令，何謂妖乎？太府主簿馬魴諫曰：今世難永夷，不宜崇飾臺榭。且比年來，衆務覺日奢於往矣。而今益甚之，百姓其謂明公何？茂曰：吾過也。乃命止役。明年，趙王曜自隴上西擊涼州，遣其將劉咸攻韓璞於冀城。呼延寔攻陰鑒於桑壁。戎卒共二十餘萬，臨洮人翟楷、石琮逐令長，以縣應趙。河西大震。參軍馬岌勸茂親出拒戰。長史汜禕請斬之。岌曰：汜公糟粕書生，不知大計。且明公父子欲爲朝廷誅劉曜，旰食有年矣。今劉曜自至，羣情瓦解，遐邇之情，仰繫明公。力雖不敵。

勢不可以不奮也。茂卽出次石頭。以參軍陳珍爲平虜護軍。率卒騎禦之。茂謂珍曰。曜若以精騎奄尅南安。席卷河外。長驅而至。則計將安出。珍曰。趙兵雖多。皆氐羌烏合之衆。恩信未洽。安能曠日持久。與我爭衡哉。雖然。彼衆我寡。明公何不遣一介之使。暫屈求和。彼必欣於得名。是不戰而自退也。彼受其虛名。吾陰杜後患。公可高枕而臥矣。趙諸將爭欲濟河。劉曜曰。吾軍困疲。其實難用。今但案甲勿動。以威聲震之。若出二旬而茂表不至者。吾爲負卿矣。茂尋遣使稱藩。曜大悅。拜茂太師。封涼王。復大城姑臧。修靈鈞臺。

別駕吳紹切諫。茂曰：王公設險，武夫重閉。昔亡兄怛然失身於物，且忠臣義士豈不欲効節義於亡兄哉？直以危機密發，雖有賁育，無所施其勇耳。乃卒爲之。茂雅有志節，能斷大事。豪右屏跡，威行境中。永昌初，使將軍韓璞取隴西南安之地，置秦州。太寧二年卒。臨終，執駿手泣曰：昔吾先人自漢初以來，世執忠順。今雖中原大亂，皇輿播越，汝當謹守臣節。吾遭擾攘之運，承先公餘德，假攝此州，以全性命。然官非王命，位由私議。苟以集事，豈榮之哉？氣絕之日，白帟入棺。無用朝服以彰吾志焉。年四十八，在位四年，是爲成。

公茂無子駿嗣。

駿字公庭十歲能屬文卓越不羈而性淫縱好夜微行於邑里國中化之及統任年十八矣初愍帝使者黃門郎史淑在姑臧左長史汜禕右長史馬謨諷淑令拜駿使持節大都督大將軍涼州牧領護羌校尉西平公赦其境內置左右前後四率官繕南宮趙遣使拜駿涼王駿使參軍王隲聘趙趙王曜謂隲曰貴州必欲追躡竇融款誠和好卿能保之乎隲曰不能趙侍中徐邈曰君來聘上國而曰不能何也隲曰齊桓貫澤之盟憂心兢兢諸侯不召自至葵邱之會驕